

Ko e Pūhala Fakapapahi

To fakagahua ai e fakaholoaga fakatokatoka gahua ke he fitu lā e veveheaga. Ko e tau veveheaga fakamua nei ka fakatoka aki e matapatu ke lata mo e tau veveheaga he tau magaaho fakamui. Ko e tau veveheaga katoatoa nei to nā kai fakagahua fakapapahi, ka e to hā hā i ai e falu veveheaga ka fetuutaaki fakalataha. Ko e pūhala nei ke lagomatai aki e gahua fakaako fānau ikiiki kaeke kua tokoluga lahi e nūmela he tau fānau ikiiki i loto he aoga. Ha ko e mena ka tokoluga lahi to hā hā i ai e uka ke fakatūmāu e tau fakaakoaga kua mitaki ma e tau momoui he tau fānau. Haana kakano, ke hā hā i ai e tau fakavēaga kua tuku fakalataha ke moua e kautū he tau fakaholoaga nei.

Kikiteaga Fakamakutu he Fakagahuaaga nei

Ko e kumikumiaga fakahokulo ke lata mo e loga he tau tau i mua ka maeke ai ke fuafua e holo mitaki he tau pūhala fakatokatoka foou ne tolu i loto he tau fakaholoaga gahua. Ko e tau pūhala nei ke moua e holo mitaki he palana fakagahua ke lata mo e 10 e tau tau e i mua. Ke fuafua e mitaki mo e kautū he tau pūhala fakatokatoka nei, to moua e tonuhia he tau atihakeaga mo e fakagahuaaga he tau pūhala gahua anoiha.

Ko e fakagahuaaga ke lata mo e tau pūhala fakatokatoka nai ka maeke ke fakatokologa aki e nūmela he tau faiaoga ka oti mai mo e tau Fakaakoaga Tokoluga ke lata ma e faahi Aoga Fakamahani. Lafi atu foki ke moua e he nūmela tama kua tonu ke lata mo e taha e faiaoga pihia foki ke lata mo e tau gahua he tau matakau ikiiki. Ko e tau lagomatai pauaki ke lata mo e tau mamatua mo e magafaoa ne matutaki ke he tau fakaakoaga he faahi Aoga Fakamahani, ke fai kumikumiaga ke fakalaulahi e tau fakaholoaga he *Te Whāriki* pihia foki mo e tau pūhala fakaako ke moua e mitaki.

Ko e pūhala fakatokatoka ke tolu aki kua taute ai ke *holo hake e tau magaaho fakatūtala mo e fakafetui auloa* he tau tagata kua taute pauaki ke:


- holo ki mua e moui fakaako mo e lotomatala ka moua he tau fānau tali mai he fanau ke hoko atu ke he valu e tau tau he moui. Pihia foki ke matutaki ke he tau fakaakoaga he faahi Aoga Fakamahani, lagomatai e atihakeaga mai he tau mamatua, mai he faahi gahua fakaako tama, faahi gahua malolō tino mo e faahi gahua ma e tau momoui tagata.

Ko e fakagahuaaga he tau pūhala nei ke maeke ai ke moua e matutakiaga mitaki he tau gahua fakaako tama ke lata mo e tau pūhala ke lagomatai aki e tau fānau, tau mamatua mo e tau magafaoa, pihia foki mo e falu a pūhala ke ati aki e tau matakau ke moua e lautolu e tau fakaakoaga mitaki ma e tau momoui.

Tau Pūhala mo e Fakagahuaaga

Hā hā i ai fā lā e tau onoonaoga fakalaulahi ke lagomatai aki e tau fakagahuaaga he fakaholoaga nei (Strategic Plan):

- to liu kikite ke he tau matafakatufono ne tonuhia ke he faahi Aoga Fakamahani kamata taute e fekau nei he mahina a Iuni 2002 ke hoko atu ke he mahina Tesema 2003
- to liu kikite ke he tau pūhala tupe he faahi Aoga Fakamahani, ke kamata he mahina Me 2002 ke hoko atu ki a Iulai 2003
- to taute ai e taha kumikumiaga hokulo (research) ke lagomatai e atihakeaga he tau pūhala gahua he faahi Aoga Fakamahani mo e fuafua fakamitaki e tau gahua ke lata mo e tau aho i mua
- ko e faahi gahua ECE ke tūtaki fakahaga e atihake mo e fakagahuaaga he tau pūhala gahua nei.



Pathways to the Future: Ngā Huarahi Arataki

2002

2012

A 10-YEAR STRATEGIC PLAN FOR EARLY CHILDHOOD EDUCATION

Summary-Niuean



*A journey towards increased participation,
improved quality and stronger relationships*



Fakamaamaaga Fakakū

Ko e tau fakaakoaga ke lata mo e moui fakaako he tama tote ko e lakaaga fakamua hanei kua aoga lahi ke atihake e fakavēaga ke moua he tama e tūmau he haana a tau fakaakoaga mo e tupuolaola he haana a moui. Pete nī hā hā i Niu Silani mogonei e tau pūhala mitaki mo e malolō he faahi gahua aoga fakamahani ka e fai pūhala foou agaia nī ke atihake mo e fakatolomaki ki mua e malolō nei. Ke fakakatoatoa e onoono hokulo atu ki mua, kua manako e Fakatufono ke fakamalolō fakalahi e tau fakaakoaga ke kautū e tau lotomatala he tau fānau Niu Silani. Ko e mena ia, ko lautolu ne gahua he faahi Aoga Fakamahani (Early Childhood Education - ECE) kua lata ke kaufakalataha ke he tau pūhala onoono hokulo ki mua ke haihai auloa e tau pulega ke maeke ke kitia tonu e alito ka kautū e tau fānau ke he ha lautolu a tau fakaakoaga. Ko e tau fakaholoaga gahua (Strategic Plan) he faahi gahua Aoga Fakamahani maeke ke tālaga e fakatino kitia hagai ke he onoono atu ki mua he gahua ECE ke moua foki e palana fakagahua he 10 e tau tau ki mua ke lata mo e fakaholoaga mitaki he faahi gahua nā.

Fakamau hifo e Fakaholoaga ke muitua ki ai

Ko e palana ke katoatoa mo e hokulo he tau fakatūtalaaga ke lata mo e faahi gahua Aoga Fakamahani ko e mena ke fuhiulu fakalataha mo e Fakatufono ke haihai auloa e tau pūhala tonu. Hā hā ke he fakaholoaga nei ko e tolu la e matapatu palana i ai:

- ke tuku hake ki luga e nūmela he tau fānau ikiiki ke moua e lautolu e tau fakaakoaga mitaki he faahi Aoga Fakamahani
- ke fakaholo ki mua e tau gahua mitaki he faahi Aoga Fakamahani
- ke holo hake e tau magaaho fakatūtala mo e fakafetui auloa he tau matakau.

Hā hā ke he fakaholoaga nei e falu a pūhala fakatokatoka ne kua taute pauaki ke ati aki e faahi Aoga Fakamahani ke lata foki mo e tau mena ke aoga ke he tau tagata Maori mo e tau tagata Pasifika.

Ko e Hikiaga he tau Manatu Pulega

Ko e matapatu he tau hikihikiaga foou nei he faahi Aoga Fakamahani kua taute ai ke moua e fakakatoatoaga he tau palana nei ne tolu. Ko e falu he tau hikiaga lalahi i loto he fakaholoaga, hanei:

- tau pūhala fakatupe mo e tau matafakatufono ke tūmau e lagomatai ke he tau gahua oti he faahi Aoga Fakamahani ke moua e tau fakaakoaga mitaki mo e hokulo ma e tau fānau he faahi Aoga Fakamahani
- ke fakaholo ki mua e tau pūhala lagomatai atu ke he tau gahua he faahi Aoga Fakamahani i loto he maaga
- ke kamata e pūhala fakamau hifo fakatonu e tau higoa he tau faiaoga mo e ha lautolu a tau tohi pulotu fakaako. Lauia e pūhala nei ke he tau faiaoga he falu he tau Aoga Fakaako mo e tau *Kindergartens*. Amanaki ai ke taute pihia foki e tau faiaoga takitaki ki loto he tau Aoga Fakamahani
- ke kaufakalataha mo e gahua auloa e faahi Aoga Fakamahani, matutaki foki mo e tau lagomatai mo e atihakeaga mai he tau mamatua, mo e faahi gahua fakaako tama, faahi gahua malolō tino mo e faahi gahua ma e moui tino he tau tagata. Ko e pūhala nei, ke lagomatai mo e fakamalolō e tau mamatua mo e tau magafaoa ke matutaki mitaki e tau fakaakoaga he tau fānau mai he kamataaga he ha lautolu a tau momoui
- ke tūmau mo e aofia e Fakatufono ke matutaki fakalahi atu ke he tau gahua he faahi Aoga Fakamahani, mua atu ke fakamalolō e tau tagata i loto he tau maaga ne potake agaia e tau fakaakoaga ke he faahi ECE ke kaufakalataha ke he gahua nei.

Tau Pūhala Fakatokatoka ma e tau Tau ki Mua

Ko e fakaholoaga fakalatalata kua maeke ke moua e matutakiaga he tolu e tau pūhala fakatokatoka ke gahua auloa e tau matakau katoatoa he faahi ECE ke moua e hagaiaga ne kua taute.

Ko e pūhala fakatokatoka fakamua ke *tuku hake ki luga e nūmela he tau fānau ikiiki ke moua e lautolu e tau fakaakoaga mitaki* he faahi Aoga Fakamahani, hanei e tau pūhala ia:

- ke gahua mo e tau matakau ne tokolalo hifo agaia e nūmela he tau fānau ikiiki i loto he aoga, mua atu ke he tau tagata Maori, tau tagata Pasifika mo lautolu e tau tagata ne nonofo matematekelea agaia mo lautolu ne nonofo mamao atu ki tua he tau taone lalahi
- mua atu, ke gahua mo e lagomatai atu ke he tau mena ne nā kai la holo mitaki e tau fakaakoaga i loto he tau maaga takitaha
- ko e Fakatufono ke tuku hake ki luga e tau pūhala ke lata mo lautolu ne manako ke gahua ma e faahi Aoga Fakamahani
- ke omoi mo e lagomatai ke he faahi Aoga Fakamahani ke iloa mo e mailoga e tau mena ne nā kai la holo mitaki e tau fakaakoaga kua lata mo e tau fānau, tau mamatua mo e tau magafaoa.

Ko e fakagahuaaga he tau pūhala nei ka maeke ke kitia aki e tau mena ne hagaiaga kelea mo e ai tokologa e tau fānau he aoga. Ti pihia foki to kitia he tau mamatua mo e tau magafaoa e mitaki mo e aoga he tau pūhala fakaakoaga nei ma e tau fānau ikiiki la lautolu. To hā hā i ai e malikiti ki luga he tau tupe lagomatai mo e falu he tau lagomatai kehekehe ke lata mo e mouaaga mo e fakatūmau he tau gahua mitaki he ECE.

Ko e pūhala fakatokatoka ke ua aki ne taute ke *fakatolomaki ki mua e mitaki* he tau gahua he faahi Aoga Fakamahani ne kua tālaga ke:

- fakagahua e tohi ne taute pauaki ke lata mo e tau fakaakoaga (*Te Whāriki*) ke holo mitaki e tau maamaaga foou
- iloa kua hā hā i ai e tau faiaoga mitaki mo e iloilo, ke iloa foki e nūmela tonu he tau faiaoga ke lata mo e nūmela he tau fānau i loto he poko aoga ti pihia foki mo e tau vahega ke nā kai lalahi. Ko e pūhala nei ke moua aki e tau fakaakoaga hokulo mo e mitaki ma e tau fānau pihia mo e tau faiaoga
- moua e fakafetuiaga mitaki he tau faiaoga mo e tau mamatua, magafaoa mo e tau fānau
- tūmau mo e iloa e tau pūhala mitaki ke lata mo e tau pūhala fakaako atu pihia foki ke moua e loto fia fakaako ke moua e pulotu.